

झाड आनं तेना फाटा

- ❖ जवं येसु देव हाई जगमं वताल तवं तो जागा जागामं फीरीसनं लोकंसला देवना वचन सांगु लागनाल.
- ❖ येक दाव तो लोकसला सांगना का, मी खरा द्राक्षसना झाड सय आनं तुमं मनं फाटा सत.
- ❖ खरज येसु देव आपला वीस्वासी लोकसना द्राक्षसना झाड सय.
- ❖ आनं आपुन तेनं फाटा सत.
- ❖ तेमन आपुन तेनी संगं कायम जोडाय रव्हाला पायजे.
- ❖ तवं आपुन चांगला फळ दी शकशुत.
- ❖ कजं का जर येखादा फाटा झाडनी संगं चांगला जोडाय रहना सय तं, तो चांगला फळ देवु शकय.
- ❖ आनं पुडं आजुन चांगला फळ देवानी करता तो झाडना मालक तो फाटला देखरेख करय.
- ❖ तशाज जर आपुन बी चांगला फळ दीशुत तं देव आपली काळजी लीसनं आपुनला बी देखरेख करी.
- ❖ आनं आजुन येसु देव सांगय का, जो फाटा मनी संगं जोडायेल रहीसनं बी फळ देय ना तेला तोडीसनं ईस्तुमं टाकामं येई.
- ❖ खरज जर आपला वीसवासी जीवनमं आपुन बी चांगला फळ ना दीनत, तं तशाज येक दीवस आपुनला बी नरकंनी ईस्तुमं टाकामं येई.
- ❖ तेमन मनं भाऊ आनं बईन आपुन येसुनी संगं जोडाय रव्हाला पायजे आनं चांगला फळ देवाला पायजे.
- ❖ चांगला फळ मंजे काय.
- ❖ चांगला फळ मंजे चांगला गुन ठेईसनं जीवन जगाना सय.
- ❖ येक वीस्वासी कशा जीवन जगाला पायजे येनी बद्दल पौल गलती मंडळीला नऊ प्रकारना फळनी बद्दल लीखेल सय.
- ❖ तेस मयथीन दोन प्रकारना फळनी बद्दल मी तुमला आज सांगय.
- ❖ पयली गोस्ट आठी येसु देव मया करानी बद्दल सांगय.
- ❖ वीस्वासी जीवनना आखंस पेक्षा मोठा आनं मतवंना गुन मंजे मया कराना सय.
- ❖ येक वीस्वासी आखंसवर मया कराला पायजे.
- ❖ पयलं तो देववर मया कराला पायजे.
- ❖ नंतर तो दुसरंसवर बी मया कराला पायजे.
- ❖ कजं का देव आनं येसु ख्रीस्त बी जगनं आखं लोकंसवर मया करनत.
- ❖ देव जगवर मया करीसनं जगना आखाकाही बनाडना.
- ❖ आनं तो मानुस जातवर मया करीसनं तेना पोच्या येसुला जगमं धाडना.

- ❖ तशाज येसु ख्रीस्त बी आपुनवर मया करीसनं आपली करता तेना सोताना जीव दी दीना.
- ❖ तशाज आपुन बी देववर आनं येकमेकंसवर मया कराला पायजे.
- ❖ तवं देव आपुनवर मया करी आनं आपुन जा मांगशुत ता भेटी.
- ❖ दुसरा फळ मंजे देवनी आज्ञा पाळाना.
- ❖ आखं वीसवासी लोकं देवनी आज्ञा पाळाला पायजे.
- ❖ कजं का देव सांगय जो मनी आज्ञा पाळय तेवर मी मया करय.
- ❖ खरज आपुनला देवनी मया पायजे.
- ❖ कजं का जर देव आपुनवर मया ना करना तं आपुन जीवन जगु शकावुत ना.
- ❖ आनं जर आपुनला देवनी मया पायजे तं आपुन तेनी आज्ञा पाळाला पायजे.
- ❖ जो देवनी आज्ञा पाळय तोज खरा वीस्वासी सय.
- ❖ तेमन मनं भाऊ आनं बईन जर आपुन चांगलं वस्सवासी सत, तं पयलं आपुन देववर आनं आखंसवर मया कराला पायजे.
- ❖ आनं आपुन तेनी दीयेल आखी आज्ञा पाळाला पायजे.
- ❖ तवं आपुनला देवना पक्का आशीर्वाद भेटी.